



Шочмо эл, порылык да чын верч!

Будь готов /

24-ше (3672) №,
2024 ий 14 июнь,
кугарня



0+

Мде лий

1933 ий 1 февраль годсек лектеш.



Чылан юнкор улына

«Шергакан «Ямде лий»

газетна,

Налын шого мемнан серышням.

Лудса да палыза шонымынам:

Могай юнкор ме улына...»

Тиде мурсемым – юнкор-влакын гимныштым – колыштын, ятыр ўдыр-рвезе кушкын, «Ямде лий» газет дене пенгыде кылым кучен, юнкор улмыж дене кугешнен. Уста йоча-шамыч, пырля погынымеке, ты мурым тўшкан йонгалтареныт. Тиде поро йўла кызытат уло. 5-8 июньышто Йошкар-Олаште И.С.Палантай лўмеш тўвыра да сымыктыш колледжын

Национальный сымыктыш гимназийыштыже «Марий юнкор» республикысе усталык школ эртаралтын (снимкыште). Тушко республикысе тўрлў район гыч эн уста, эн чолга, сылнымутлан шўман 15 юнкор погынен. «Юнкор маршым» шарнен, тўрлў мероприятийышке, вашлиймашке ушненыт. Ты школын пашаж нерген шонымашыштым, шижмашыштым кече еда сереныт. Возымыштым кумшо-кудымшо лаштыклаште лудын кертыда.

– Чолга тукым улына,

Юнкор школыш толынна.

Журналист ме лийнена,

«Ямде лийыш» возена, – тыге ойлат уста ўдыр-рвезе-влак.

А.ГРИГОРЬЕВА.
В.Мамаеван фотожо.

Усталык школым эртараш полшымыштлан Марий Эл Республикысе Тўвыра, печать да калык-влакын пашашт шотышто министерствылан, «Марий Эл» увер агентстве» кугыжаныш автоном тўнежлан, Калыкле сымыктыш гимназийлан кугу таум ойлена.

Рүдö телевиденийыште – марий еш



Оршанке район Марий Ер-нурышто илыше гармоньчо Александр Марковым шукын палат. Тудын мастарлыкшым ончен, кум ияш Рома эргыжат усталык шўлышан кушкеш: гармонь

дене шокташ тунем шуын. Ачаж пелен кугу сценышке «Изи гармоньчо» фестивалыште икымше гана лектын (снимкыште). Нунын выступатлымыштым интернетыште шуко ен аклен. Изи эрге ден ачан усталыкыштым Москоштат шекланен шуктеныт. «Привет, Андрей!» телепередачышке ўжыныт. 8 июньышто «Россия-1» телеканал дене ончыктеныт.

Сылне марий вургем дене улмышт кугешнымашым шочыктен. Студийышке толшо уна-шамычат весела такмак почеш кушташ лектыныт. Выступлений деч вара мурызо Елена Василёк Пошкырт вел семым шокташ йодын. Александр дене пырля муралтымышт эшеат кумылым ылыжтен. Тыгай уста еш шукырак лиеш гын, марий тўвыра утларак виангеш да Россия мучко чапланаш тўналеш. А Рома – ончыкылык ўшан.

З.ТИМОФЕЕВА.
Авторын фотожо.



Историйым шергалына

Крым сар жапыште (1853-1856) 1855 ий 18 июньышто Севастопольым аралыме годым руш войска-влак Малахов курганыш керылтше англо-француз-турко войскам чактареныт.

Крупняковым шарнен

Серызе Аркадий Степанович Крупняковын шочмыжлан 105 ий темме лўмеш Советский посёлкысо рүдö книгагудышто лудмаш конкурс эртаралтын. Тушко школ гыч ныл тунемше миен. Мемнам ялысе книгагудын вуйлатышыже Людмила Николаевна Мочалова ямдылен. А.С.Крупняков ятыр темылан почеламутым возен. Мый сар нерген почеламутым лудынам (снимкыште). Кыртмен ямдылалтмына арам лийын огыл: Виолетта Трифонова ден коктын сенгыше-влак радамыш лектынна. Ачажым шарналташ Аркадий Степановичын эргыжат толын, поро шомакым ойлен. Тугеже Аркадий



Крупняков огеш мондалт, калык чонышто ончыкыжат илаш тўналеш.

Юля ЯГОДАРОВА.
Советский, Кельмаксола.
Фотом еш архив гыч налме.

Российысе увер

Тунемше-влак «Культура для школьников» проект кышкарыште эртаралтше «Песни о родной стране» всероссийский флешмобыш 30 июнь марте ушнен кертыт. Россий нерген мурым видеороликыш войзен, Культурадляшкольников.РФ порталыште верандыман.

«Шарнымаш сорта» всероссийский акций Ойганен шарныме кечын онлайн эртаралтеш. Тушко кумылан кажне ен ушнен кертеш. Тидлан деньпамяти.рф сайтыт тўн лаштыкыштыже «Зажечь свечу памяти» манмым темдалман.

18 ияш деч изирак ийготан йочан еш-влак, «Читаем всей семьёй» конкурсыш ушныза. Икмыняр тукымын произведенийым рушла лудмыжым видеош войзен, 30 сентябрь марте колтыза. Тўрыс увер – want2read.ru сайтыште.

Марий Элысе увер

Икмыняр предмет дене ЕГЭ-н лектышыже рашемын. Марий Эл гыч вич выпускник экзаменым 100 баллан кучен. Кум тунемше – химий дене, ик выпускник – географий да тынарак литератур денен.

Марий Эл гыч тунемше-влак «Подрост – 2024» юниор-влакын всероссийский конкурсыштышт сенгышыш лектыныт. Иктешлыше йыжын Экологын да йырвел пўртўсын кечынже онлайн эртаралтын.

Йошкар-Оласе Т.И.Александрова лўмеш 11-ше №-ан лицейыште «Кванториум» технопарк пашам ышташ тўналеш. Тудо физике, химий, биологий да робототехнике направленийлам авалта. 2024 ийыште «Кванториумым» Йошкар-Оласе М.В.Ломоносов лўмеш лицейыште да Волжск оласе 4-ше номеран школышто почаш палемдыме.



Чапле полат

Национальный сымыктыш гимназийыште тунемше-влак моткоч пиалан улыт. Тиде тыглай школ огыл. Тудо моткоч мотор, йонгыдо, кугу, чапле полат. Тушто тунемаш да шкем түрлө велым вияндаш чыла йон уло. Гимназий мучко экскурсий дене коштмо годым шкеак ужинна. Мыланна Н.А.Секретова радам дене каласкален (снимкыште). Йоча-шамычын сылне сүретыштым кугешнен онченна. Пу гыч түрлө арверым пүчкедаш тунемыт. Түрлө семүзгар дене шоктат. Кушташ кумылан-влаклан посна зал уло. Школын эртыме корным тоштер арала. Мыланна гимназийыште пеш келшен.

Ульяна ФЕДОРОВА.
Марий Турек, Арбор.



Келшымаш модыш

«Ямде лий» газет редакций мыйым «Марий юнкор» республикысе усталык школыш ұжын. Моткоч кугу таум ойлем. Визымше июньшто Йошкар-Олашке Национальный сымыктыш гимназийышке погыненна. Кугыен-влак мемнам порын вашлийыныт да пөлемлашке веранденыт. Икте-весе дене палыме лияш манын, «Лум моклака» дене модынна. Тыге кажным шарнен кодынна. «Ковёр-самолёт» дене чонештымаш командирым пален налаш полшен. Ме Ульяна Федоровам икой дене сайленна. Эше шуко модыш дене модынна. Ялыште, школышто йолташ-влаклан палдараш тўналам.

Полина АЛЕКСЕЕВА.
Морко, Коркатово.

Поро шарнымаш



«Марий юнкор» усталык школ түрлө мероприятийлан поян лийын. Икымше кечын ончычсо юнкор-влак дене вашлиймаш поро шарнымашым коден. Лиана Семёнова, Кристина Быкова, Андрей Кошаев слётышто лийме жапым куанен да кугешнен каласкаленыт (снимкыште). Усталык пашашт дене палымым ыштенныт, йодыш-шамычлан вашмутым пуэныт. Кажныже марий йылмым пагалаш, йоча газет дене кылым кучаш тыланен.

София АЛЕКСЕЕВА.
Морко, Эгерсола.

Пиалан улам

2024 ий июньым эн пиаланлан шотлем. Мый «Марий юнкор» усталык школышто лийынам. Тушто чот келшен. Шуко ум пален налынам. Туныктышем Г.В.Васиналан кугу таум ойлем. Тудо сылнымутлан кумыланден. «Ямде лий» газетын пашаеныштанат тауштем. Нуно пеш күлешан сомылым шуктат.

Алина АЛЕКСАНДРОВА.
Советский,
Шуарсола.

Школ тоштер

Тоштер-влак йўлам, историйым аралат. Тыгай верыш кошташ моткоч пайдале. Мый Калыкле сымыктыш гимназийыште верланьше тоштерыште лийынам (снимкыште). Тушто пу гыч ыштыме тумна келшен. Кайык шулдыржым шаралтен шинча. Кугу шинчаж дене пуйто кажным эскерен онча. Тоштерышке ятыр туныктышын да тунемшын фотографийыштым погеныт. Выпускник-влак кокла гыч шукын лўмлө ен улыт. Тыгай тоштер кумылым нолта, эртыме корным шымлаш тарата.

Анна АНДРЕЕВА.
Кужэгер, Шўдымарий.



Йоча газетыш мый возем,
Түрлө лаштыкым ончем.
Юнкор лўмым пеш аклем,
Тидын дене кугешнем.
Марина НИКОЛАЕВА.
Советский,
Кельмаксла.

Икоян еш гай



Усталык школышто кажне ен дене вашлиймаш поро кышам коден. Мемнан дек унала Марий Эл Республикысе тўвыра, печать да

калык-влакын пашашт шотышто министрын алмаштышыже М.И.Матвеев, Марий Эл Республикысе Кугыжаныш Погынын

депутатше Н.В.Пушкина, «Марий Эл» увер агентстве» кугыжаныш автоном тўнеж вуйлатышын алмаштышыже А.С.Абдулов, Печать да тўшка увер пўлкан тўн специалистше В.Э.Комаров да тўрлў газет-шамычын тўн редакторышт толыныт (снимкыште). Нуно юнкор пагытыштым шарналтеныт, пашашт дене палдареныт. Мемнан йодышланна вашмутым пуэныт. Мыланна «Марий юнкор» манын возыман футболкым чиктеныт. Мый да йолташем-шамыч нунылан почеламутым сылнын лудынна. Вара онгыш шогалынна, Аня Андреева мурым мурен. Тидыже юнкор-влакын икоян еш гай улмыштым пенгыдемден.

Карина ГОРДЕЕВА.
Параньга, Матародо.

Ала телевўдышў лиям?

«МЭТР» телеканалын пашаж дене палыме лияш мыланем пеш келшен. Мыланна экскурсийым Вера Горохова эртарен. Журналист-влакын пашаштым онченна, студийлаште лийынна, йўкым тўрлымым эскеренна. Чылаже ныл студий уло. Эн кугу студиийште – 15 фон. Мо тыгай суфлёр, стэнд-ап, синхрон да моло нерген пален налынна. Микрофон ончыко шинчын (снимкыште), увер-влакым лудын онченна. Лўдыкшў, но онай. Ала телевўдышў лиям?

Володя ЯМБАШЕВ.
Волжский, Пўтъял.



Изи тул

«Марий юнкор» усталык школышто лийме годым кажне кастене, пашам пытарымек, изи тулыш погыненна. Чылан йыр шинчын, сортам кидыш налын, кажне ўдыр-рвезе ушеш кодшо тат-влакым, шке шоньмашыжым ойлен. Тыге ме эртыше кечым иктешленна. Вожатыйна-шамыч шкенжым кечыгут чолган ончыктышо юнкорым кажне гана ойыреныт да пўлек дене палемденныт. Нунын коклаште мыят лийынам. Моткок йывыртенам.

Регина ГРИГОРЬЕВА.
2-шо номеран Морко школ.

«Латкок апостол» шагатым 2011 ий 4 ноябрьште пашаш колтеныт. Тудо Патриарший площадыште верланен. Ик ий жапыште нуно 80 километрым эртат. Апостол-влак кечыште ныл гана лектыт. Ошкылмо жапышт – 8 минут да 30 секунд. Апостол-шамыч вуйыштым, кидыштым тарватылыт. Нуно айдеме кўкшытан улыт, нелытышт – 200 килограмм. Кушто верланымыштым икымше гана ужнынам (снимкыште). «МЭТР» телеканал, тау тыгай йўным пуымыланда!

Алина АЛЕКСАНДРОВА.
Советский, Шуарсола.

Латкок апостол



Печать пörтыш - унала



Усталык школышто кажне кечын түрлө вере экскурсий дене коштынна. Кумшо кечын Печать пörтыштö лийынна.

Журналистын пашаже моткоч онгай. Тидым уэш да уэш умылем. Тудо түрлө ен дене вашлиеш, палыме лишеш, интервьюм налеш, ятыр мероприятийыш лектын коштеш... Печать пörтыштö «Марий Эл», «Кугарня», «Марийская правда» газет редакцийлан пашаенгышт дене вашлийынна. Нуно шуктымо сомылышт дене палымым ыштенит, ты пашан күлешлыкше нер-

ген ойленит. Ёдыр-рвезе-влак ланат шкеныштым журналист семын шижаш йöным пуэныт. Икмыняр йоча, камер ваштареш шинчын, текстым сылнын лудын (снимкыште). Камер ончылно шкем кузе кучымо шотышто умылтаренит. А эше ме йöратыме «Ямде лий» газетнан редакцийыштыже лийынна. Туштат моткоч келшен. Мый шуко ум пален налынам. Чыла тидым шарнен кодаш тыршем. Ёшанем, илышыштем чылажат күлеш лишеш.

Анна АНДРЕЕВА.
Кужэгер, Шүдымарий.

Кладым кычалынна

Юнкор школышто лийме тат эн поро шарнымашым коден. Экскурсий ден вашлиймаш-шамыч деч посна кладым кычалаш моткоч келшен. Кок командылан шелалтынна да станций-влакым эртенна. Кажне станцийыште мемнам онгай заданийла вученыт. Шукыжым вашке ыштенна, южыжым шонаш күлын. Пытаргышыже эн нелын чучын: Несмеяна кугыжа ёдырым воштылташ күлын. Кузе гына тудым сымыстараш төчен огынал, мом гына ыштен огынал! Мыскарам ойленна, мурымат муренна... Тудым куандараш төчен, шкежат шер теммеш воштылынна. Кладым мумексе, мемнам шере пöлек вучен. Ты модыш иктесе кокласе кылым эшеат пенгыдемден, кумылым нёлтен.

Ульяна ТАНЫГИНА.
Шернур, Кукнур.

Нигунам ом мондо

Эн ушан, ныжылге, сай, поро вожатый-влак дене усталык школышто палыме лийынна. Тиде Вера ден Виктория. Усталык школын вуйлатышыже – Л.Н. Григорьева (снимкыште). Нуно йоча-влаклан йолташ да энгертыш лийыныт. Ойканашым эре пуэныт,

полшенит, кажне йочан тазалыкше верч коляненыт. Пырля модыныт, куштеныт, мурым муреныт. Йокрокланаш ни могай жап лийын огыл. **ТЕНДАМ МЫЙ НИГУНАМ ОМ МОНДО!**

Карина ГОРДЕЕВА.
Параньга, Матародо.



Шерге пöлек



Усталык школышто поэзийлан кугу туткыш ойыралтын. Мемнан деке лүмлö поэт-влак Л.Иксанова (снимкыште), З.Висвис толыныт. Шке творчествошты ден палдареныт, савыктен лукмо книгагыштым ончыктеныт, ятыр кангашым пуэныт.

Варажым самырык поэтессе-влак Х.Александрова да Т.Соловьёва дене вашлийынна. Нуно рифмым чын кычалаш туныктеныт, ритм нерген ойленит. Ныл кор-

нан почеламутым тўшкан возенна. Меат ынде почеламутым сераш кумылангынна. Мастер-классыште ойыртемалтше ныл юнкорлан: Региналан, Анналан, Володялан да Вероникалан – Христина Александрова шке книгажым пöлеклен. Чапле да шергакан пöлекеш автор кидпалыжым пыштен.

Вероника МАМАЕВА.
Кузнеч.
Николай ГРЕБНЕВ.
У Торъял, Токтарсола.

Гармонь йүк шергылтын

Усталык школышто ик кас поснак ойыртегалтше лийын. Илыме верыштына кас мучко гармонь йүк шергылтын. Мемнан деке «Ямде лийын» ончычсо юнкоржо, уста гармонист Виталий Мамаев толын (снимкыште). Тудо Виктория вожатыйнан изаже. Виталий юнкор слётышто лиймыж нерген каласкален, онай историйлам шарналтен, йодышна-влаклан вашмутым пуэн. Кидышкыже гармоньым налын шокталтен колтымекше, ме совым руж кыраш тунгалынна. Тудын шоктымыж почеш Виктория тошто марий куштымашым, моло



движенийым туныктен. Гармонь сем почеш модашыжат веселарак улмаш. А эше ме ныжыл сем почеш куштенна. Касна порын да моткоч веселан эртен. Уста гармонист автографым пуэн Онай вашлиймашлан кугу тау.

Евгения КОЛЬЦОВА.
Кужэнер, Руш Шой.

Тау йоча газетлан

«Ямде лий» газет шуко юнкорым кушта. «Марий юнкор» республикысе усталык школ шинчымашым келгемдаш йоным ышта. Тыште ме редакций пашаен, поэт, писатель-влак дене палыме лийына, сай йолташ-шамычым муына. Ныл кече жапыште икте-весе коклаште пенгыде усталык кыл виянгын. Ончыкыжымат тыгай школыш толаш кумыл уло.

Вероника МАМАЕВА.
У Торъял, Кузнеч.

Поро йолташем

«Ямде лийым» йоратем, Тудо мыйын пиалем. Лудын чылтак шер ок тем, Кидыш налын кугешнем.

Полина АЛЕКСЕЕВА.
Морко, Коркатово.

Пиал шыргыжалын

Усталык школышто ятыр лүмлө ен дене вашлияш пиал шыргыжалын. Нунын кокла гыч иктыже – уста журналист, мер пашаен Алёна Иванова (снимкыште). Тудо изинек журналист лияш шонен. Жапыштыже мемнан семынак юнкор слётышто лийын. Пүртүс нерген возкалаш поснак йоратен. Кызыт тудо фильмым сниматла. Тудым кузе войзымо, камер ончылно вудышö ден унан кузе верланымышт нерген умылтарен. Алёна мыланна ик фильмым ончыктен. Поро кумылан ўдыр кажныжлан мотор книгагм пöлеклен.

Марина НИКОЛАЕВА.
Советский, Кельмаксола.



Онай төнеж

Рүдолаште илыше йоча-влак шкеныштым түрлө велым виянгден кертыт. Мутлан, креативный индустрий школымак налаш. Тушто у технологийым кучылтын сүретлат, видеом войзат, фотографийым ыштат, мультфильмым келыштарат да тулеч молат. Ялыште тыгай вашталтыш кунам лиеш? Ты школышко экскурсий дене мийыме годым чыла тидым шкесак ужынам. Тушто пашам ыштыше Е.А.Роман радам дене умылтарен. Заметкым чын возаш туныктен, кагашым пуэн. Мыйынат тыгай школышто тунемаш кумblem уло.

Гавриил АЛЕКСАНДРОВ.
Морко, Арын.

Ший самовар

«Марий түр» тоштерыште мемнам Ираида Степанова ден Валентина Андреева вашлийыныт. Уремыште ший самовареш чайым пырля шолтенна (снимкыште). Тулым Володя йолташна ылыжтен. Ме пугыльмым кышкенна. Вүд шолаш пурымеке, түрлө шудым оптенна. Пеш чот тамле чай лектын. Чы-

лалан келшен. Тоштерыште түрлө кундемыште илыше марий калыкын вургемже, вуйчиемже, сорастарыше ўзгарже дене палыме лийына. Йыдалым пидынна, марий сем почеш куштенна. Чапле вашлиймашлан таум ойлена.

Анфиса ФИЛИПОВА.
Звенигово, Эсмекпляк.



3-6-шо лаштыклаште В.Мамаеван фотожо-влак.

Öрыш онгара

Кенеж кас. Катя пура.
Куржына, нөлтеш пурак.
Ял мучаш гыч ушкалнам
Мөнгө вельш поктылна.

Уло корныжо посна,
Йöрата ужар пурсам.
Шикшалтеш пасуш тöр гоч,
Кочкылда – мөшкыр пытлоч!

Авайна лүшташ вуча,
Кинде шултышым куча.
Вед(ы)раште шонг күза,
Ушкар киндым авызла.

Шольым ден кружкам кучен
Вучена. Авам лүштен.
Шонгжо тöр гоч овара,
Йöмек, ош öрыш онгара.

Т.ОЧЕЕВА.

Ола-вула Миша

Ме ешыште волькым аш-
нена. А ялыште ушкар кажне
ийын шагалемеш. Тенийлан
шым ушкар веле кодын. Садлан
кажне арнян черет дене күтөм
күташ логалеш. Розочка ушкар-
нан презым ыштымыжым пеш
вучышым. Презыже ола-вула
тöсан, сангаштыже шөм гай
койшо ош пале уло. Мый туд-
лан Миша лөмым пуышым.
Кызыт ужар шудым кочкаш
тырша, вөдым йöэш. Мыланем
Миша пеш келша.

Марина СТЕПАНОВА.
Волжский, Упшер.



Йырымваш нарынче тамга

Лум шулен пытышат, млан-
дым шöршудо пеледыш леве-
де. Куш от ончал, йырымваш
нарынче тамга. 1-ше номеран
Морко кыдалаш школышто ту-
немше йоча-влак нарынче пеле-
дышым арня мучко погышна.
Кугурак ийготан-шамыч шöршу-
до гыч тöрлө салатим, мүйим,
мазным ыштат. Варенят тамле
лиеш. Мүкш-шамычат ты пеле-

дышыште ызгат: нектарым погат.
Нöшмö шумек, нарынче пеледыш
ош мамык шарыш савырна. Мар-
деж пуалешат, модын чонешта.
Тудо пуйто тыге мемнан дене вес
шошо марте чеверласа.

Оля ВАСИЛЬЕВА.

1-ше номеран Морко школ.

Снимкыште: Ульяна Золотарёва
(Йошкар-Ола).

Фотом еш архив гыч налме.

19 июнь – Йоча футболын
түнямбал кечыже.

Палаш онгай

- Тиде пайрем 2001 ий гыч па-
лемдалтеш.
- Мемнан эра деч 476 ий он-
чыч Китайыште футболым шонен
луктыныт.
- Түнямбалне футбол спор-
тын эн чапланыше видшылан
шотлалтеш.
- Футбол матч годым фут-
болист-влак 11 километр наре
куржталыт.
- 1863 ийыште икымше футбол
матч эртаралтын.
- Футбол дене модмо пасун
кужытшо – 100 метр.
- Футбол дене түнямбал чем-
пионат 1930 ийыште икымше гана
эртаралтын.



Сүретым чиялтыза.



0+

Марий Эл
Республикысе
«Марий Эл»
увер агентстве» КАУ.
Директор –
Е.И. КУЗНЕЦОВ.
Түн редактор –
А.Н. ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тувыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькше урем, 20-шо порт.
Тел. 8(8362) 45-22-82.

Газетым редакцийыште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пумы жап –
14-00, фактически – 13-00.

Авторын да редакцийын
шонымашышт тöрлө лийын кертты.
Серыш-влак мөнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым Кыл, информационный
технологий да массовый
коммуникаций сферым
эскерыме шотышто
федеральный службын Юл кун-
дем федеральный округысо
управленийыштыже
регистравалтыме.
Номер – ПИ № ТУ52-01404,
2023 ий 22 сентябрьыште пумы.

Конкурсим иктешлена



«Еш дене – шошо сомыл» фотоконкурсим иктешлаш жап шуын. Йоча-влак ача-ава, иза-ака, шольо-шужар, йолташ-шамыч дене пырля түрлө сомылым ыштымышт нерген палдарыше фотолам колтеныт. Южышт келшыше заметкым возеныт, газетлан подпискым ыштеныт. Тыге ешартыш лайкым погеныт. Эн шуко лайкым У Торъял район Элеволкышто илыше Абакумовмыт еш (снимкыште) поген да сенгышыш лектын. Нуным шокшын саламлена да редакцийышке пөлеклан вучена.

– Йоча-влак, могай тылзе эн кучык?



– Май! – Машашукошоныде вашешта.

– Молан тыге шонет? – туныктышо йодеш.

– Тудо вет кум букван веле.

Тунемме идалык мучаште Петю ачажлан ойла:



– Ачай, тый эн пиалан улат!

– Вес ийлан учебникым налаш ок кўл. Мыйым кокымшо ийлан коденыт.


– Ивук, тый молан тынар тыгыдын возет? – Виктория Игоревна йодеш.

– Йонгыльшем-влакым ида уж манын, моткоч тыршем.


Шудырын да пакчасаска-влакын ужашыштым ушыза.




Ик шырпым верже дене вашталтен, чын вашмутым ыштыза.



Ур-влакым келшыше ўмылышт дене ушыза.



Шола вельсе сўретым ончен, пурла велне цифр-влакым ушыза да чиялыза.



Урлан пўкш-влак деке миен шуаш полшыза.

